

# مستطابق

دائرة مخصوصه

در سعادتده باب عالی جوارنده

محل اداره :

اخطار :

مسلكمزه موافق آثار جديده مع المنونيه  
قبول اوليوز

دوح ايلهين آثار اعاده اولتاز

دينه، فلسفه، علوم، حقوق، ادبياتده و سياسياتده و بالخاصه كرك سياسي و كرك اجتماعي و مدني احوال و مشوره امداديه و ده بحث ايدر و هفته ده بر نشر اولتور.

آبونه بدلی

سنه لکی

التي آیلنی

ممالک عثمانیه ایچون ۸۰

روسیه » ۶۰۰

سائر ممالک اجنبیه » ۱۷

غروش ۴۰

روبله ۳۰۰

قرانق ۹

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

عدد : ۷۳

۱۵ مجرم ۳۲۸ بختبده ۱۴ کانون تانی ۳۲۵

اوچنچی جلد

فلان فلان کی خیلی افرادی وار. بونلردن باشقه (بناء علیہ، بنا برین، ازجمله، لاجل، بالاختیار، بلااختیار، بالصحة والعافیه، مع التأسف، علی العاده، بوجه بالا، علی وجه التفصیل، حقیقة، رغماً) وسائرہ کی شیردہ بوز مردن .. حتی بزم قواعد جیلرہ کورہ، (اوت، خایر، های های، آہ، اوخ، ایواہ، حیفا، واہ، الحذر، زہار، ہایدی) کی ندالر و بوقوتدہ کی کھلردہ بونلرہ برابر .

سوز ایچندہ معناری تعدیل و تمیم ایتک یولندہ ایش کورن بونوع مفرد و مرکب کھلر، خدمت ایتدکلی کھلرہ علی العاده حالردہ تقدم ایدر . بونلر اونلرک مفعولی اولور، ظرفی اولور، حالی وسائرہ سی اولور . (آہ)، (ایواہ) کی ندالر ایسہ معناجدہ مستقلدرد . یانندہ بولونقلری کھلرک تابعی دہ دکلدرد . بونلرک ہربری باشلی باشنہ برجہلردرد . بوسیلہ بونلری قورو برر ادات صایمق پک دوغرو دکلدرد .

(مستقل ادات) نامیلہ تلقی ایتدیکمز بونوع کھلری تحلیلی ایتک غایت اوزون و کوچ برایشدر . بونلری بوقدرلہ بیراقق چارہ سزدر . بونلری بوقدرلہ بیراقوب دیکر قسمہ کھلم .

اصل ادات، لفظی مستقل اولمایان اداتلردرد . چونکہ یالکنز بونلر قیرینتی حالندہ در، آلت مشابہ سندنہ در . بونوع اداتلر، یا اسمہ خدمت ایدر، یا فعلہ .. یا اعمالہ یارار، یا استعمالہ ... یعنی بونلر، اسمہ دہ یابیشیر، فعلہ دہ یابیشیر .. بویایشمہ ایلہ یاییکی برکگہ شکل ایدر، یا اولدن متشکل برکگہ مقصدہ کورہ قوللانیلیر، خلاصہ، بونلرہ اسم تشکیل ایدیلیر، تصرف ایدیلیر، فعل تشکیل ایدیلیر، تصرف ایدیلیر . بوضورتلہ اصل ادات دیہ صایدیفمز بوصنف پک طبیعی دورت نوعہ آیریلیر : اسم تشکیلنہ یارایان ادات، اسمی استعمالہ یارایان ادات، فعل تشکیلنہ یارایان ادات، فعلی استعمالہ یعنی تصریفہ یارایان ادات ... بوصنیف، چوجوقلرک ذہنی یورمایاچق سادہ بر تصنیفدر . اونک ایچون بندہ کز بونی ترجیح و ترویج ایدیورم . بونلری صیرا ایلہ برر برر کوزدن کچیرہ لم ..

برنجی درجہ دہ، اسم تشکیلنہ یارایان ادات ... بونلر طاقیم طاقیم ... برطاقیمی (لک، لق، جی، لی، سز، جک، جکز، جق، جغز، جہ، سی، مسی، مترک، متراق، دہش، داش) کی براسملہ، برصفتدن باشقہ بر کبہ تشکیلنہ خدمت ایدر . (کومورلک)، (اودونلق)، (یشیلک)، (قارالق)، (کومورجی)، (اودونلی)، (کومورسز)، (کویجک)، (قصبہ جق)، (چوجوجغز)، (تورکجہ)، (بالسی)، (پکمز مسی)، (اکشیمترک)، (صارمتراق)، (یولداش) کی . بونلرک بعضیلری پک ایشلک، بعضیلری قوللانیلماز حالہ متروک ... برطاقیمی (م - م، ک - ک، ل - ل، ی - ی، نک - سی، .. ی - م - مز، ک - کز، ل - لری، لی، دہ، دن) کی بردن زیادہ کھلری ترکیلہ برکگہ ایشی کوردورمکہ خدمت ایدر . (بنم کتابم)، (سنک کتابک)، (اوطہ نک قاپیسی)، (طاغ باشی)، (اونباشی)، (سودلی

### قونفرانسی

لسان عثمانی تدریساتی حقندہ

( معارفک دعوتیلہ اسپارطہ لی حق افندی طرفندن ۲۹ اگستوس ۳۲۴ تاریخندہ اسکی مکتب حقوقدہ مکاتب رشیدیہ معلمینہ تقریر ایدلشدرد . خلاصہ : ادات - مستقل اداتلر - غیر مستقل اداتلر - اسم تشکیلنہ یارایان ادات - عربی و فارسی کھلردن یاپیلان تشکیلات - اسمی استعمالہ یارایان ادات - فعل تشکیلنہ یاران ادات - فعلی تصریفہ یارایان ادات - ... بقیہ سی سوکرہ )

ادات، اسم ایلہ فعلدن بوسوتون فرقلیدر . چونکہ اسم برشی کوستہریر . فعل، ہم برشی کوستہریر ہم دہ بوشیک زمانی وصاحبی تضمن ایدر . ادات ایسہ، کندی باشنہ، کندی حسابنہ برشی کوستہرہ مز، آلت مشابہ سندنہ قالارق اسم ایلہ فعلہ اوتہ بری میانجیک و خدمتکارلق ایدر . بونی بیلیرز .

اداتلرک اسمہ و فعلہ بویلہ جہ خدمتکارلق ایتدہ سندنہ اک اول کوزہ چاربان برجہت وار .. بونلر خدمت ایتدکلی کھلرہ یا بیتیشہرک اونلرہ برابر یورور .. یا کہ بیتیشمیرک اونلرک ایلرینسندہ کریسندہ بولونور . نیتہ کیم (سودلک)، (سودجی)، (سودلی قہوہ) سوزلرنده کی (لک، جی، لی) پارچہلری، اتلہ طیرناق کی یابیشمہ صورتندہ، اسمہ بیتیشمشدر . کذلک (سودی)، (سودجینی)، (سودہ)، (سودجی یہ) سوزلرنده کی (ی، یی، ہ، یہ) پارچہلری، آباق قابی کی طاقیلہ صورتندہ، اسمہ بیتیشمشدر . و کذا (سود ایچیلدی)، (ایچہ جکم) سوزلرنده کی (ی ل) و (دی، ہ جک)، و (م) پارچہلری، یابیشمہ و طاقیلہ صورتیلہ، فعلہ بیتیشمشدر . اما (اشتہا ایلہ ایچدم)، (صحت ایچون ایچدم)، (فائدہ سندن ناشی ایچدم)، (صوکی ایچدم)، (سودی دہ ایچدم؛ صوئی دہ)، (ایچرم دہ، ایچم دہ)، (ہم ایچرم، ہم ایچم)، (نہ ایچرم، نہ ایچم)، (یا ایچرم، یا خود ایچم)، (یمکدن اول ایچرم)، (آرتیق ایچرم)، (ایرکن ایچرم)، (یازین ایچرم)، (صباحلایین ایچرم)، (چوق ایچرم)، (قاینایچہ ایچرم)، (سودرک ایچرم)، (سودہ سوہ ایچرم) سوزلرنده کی (ایلہ، ایچون، دن ناشی، کبی، دہ، ہم، نہ، یا، یا خود، دن اول، ایرکن، یازین، صباحلایین، چوق، قاینایچہ، سوہرک، سوہ سوہ) کھلری اسمہ و فعلہ بیتیشمہ مش، اونلرک یانندہ کولکہ کی قالمشدر . بومثالرہ، بومثالردہ کی حاللرہ نظراً ادات، اک ابتدا ایکی قسم : برقسیمی متصل و غیر مستقل، برقسیمی منفصل و مستقل . متصل و غیر مستقل اداتلر ہم قیرینتی و ہم اوپوتی حالندہ در .. منفصل و مستقل اداتلر ایسہ کندی باشنہ ایش کورہ مسہ اوپوتی حالندہ بولونسدہ قیرینتی حالندہ دکلدرد .

مستقل نوعدن اولان اداتلرک (ایلہ، سبیلہ، حسبیلہ، ایچون، دن ناشی، ہ مبنی، کبی، دہ، دخی، حتی، ایسہ، ایسہ دہ، شاید، اکر، کرچہ، سوکرہ، باشقہ، کاه، بعضی، بلکہ، چونکہ، باری، زیرا، بیلہ، حتی، ایشتہ، آرتیق، دائماً، اصلا، فقط، همان، مکر)

( حوین ) کبی ککیشلکرا اختراع ایدرلر . کذالك مصدریت ایچون ( ی ) و ( بت ) اداتلریله ( سیاهی ) ، ( هنزوری ) ، ( جاهلیت ) ، ( آدمیت ) کبی ( تصرفلر یایمق یولسه کیدرلر . بزم ( جه ) یرنده فارسینک ( انه ) اداتیله ( جاهلانه ) ، ( طفلانه ) دیرلر .

نه یاپارلر سه یاسینلر ، نه دیرلر سه دیسینلر ، بوراده دقت ایدیله جک نقطه شودر : بویله ملمع ، وسوسلی تعییرلرک اعمالنی لغتجی به ولغته بیراقمالی ، استعمالنده اعتدالی تجاوز ایتهمه لی .



ایکنجی درجهده اسمی استعماله یارایان . . . ادات بونلراوته کیلردن داها آز وداها طوبلی . . . مفعولیت اداتلری دیه طانییدیغمز ( ی ، پی ، ه ، یه ، ده ، دن ) پارچه لری بونوعک الک یوزده کرسته سی . . . کذالك صفتلرک اوستنه کلن ( الک ، پک ) کله لری ده بونلردن . . . کوردیکمز ( لک ، جی ، لی ، سز ، جک ، جکمز ، جه ) و ( م-م ، ک-ک ، ی-م-مز ، . . . ) قیرینتیلریله ، استفهامه یارایان ( می ) اداتنک و ( ایله ، ایچون ، اوزره ) وسائر کبی مستقل واسطه لرک بورادهده ایشلری وار . بوراده سوزی اوزاتمامق ایچون دیه بیلیرکه برنجی درجهده کورولن اداتلرله یکی کله لر میدانه کلیر ، بو کله لر لسانک دمیر باش مالی اولارق مال دفتیرینه ، لغتنامه سنه یازیلیر . ایکنجی درجهده کیلرله بوحاضر لغتلر سوز ایچنده آشانغی یوقاری یوروتولوب قوللانیلیر ، بونلردن استفاده ایدیلیر .

سوزی قیسه کسه لم . . . فقط ( می ) اداتی حقنده بومناسبت اوزرینه بر مثالله نظرلری جلب ایتهمک حقسزلقدر . چونکه سوز ایچنده شهلی کورولوبده آکلامق ایسته نن نقطه یه قولایجه یاپیشدیریلویورن بو مبارک اداتک قوللانیشی ظن اولونورکه لسانمزه ویرکی برشیدر . مثلا ( ازمیردن برادر دن بایرامده پوسته ایله مکتوب آلمق ) کبی بر سوزی ( ازمیردیمی برادر دن بایرامده پوسته ایله مکتوب آلدیکمز ؟ ) ، ( ازمیردن برادر دیمی بایرامده پوسته ایله مکتوب آلدیکمز ؟ ) ، ( ازمیردن برادر دن بایرامده می پوسته ایله مکتوب آلدیکمز ؟ ) ، ( ازمیردن برادر دن بایرامده پوسته ایله مکتوب آلدیکمز ؟ ) ، ( ازمیردن برادر دن بایرامده پوسته ایله مکتوب آلدیکمز ؟ ) ، ( ازمیردن برادر دن بایرامده پوسته ایله مکتوب آلدیکمز ؟ ) صورتنده بو ادات سایه سنده هر شهلی نقطه سندن دیدیکله مک نه نازنین بر قولایلقدر !

اوجنجی درجهده فعلک تشکیله یارایان ادات . . . بونلرده طاقیم طاقیم . . . بر طاقیمی ( ل ، ن ، ش ، ت ، در ، درت ، درتدر ) کبی بر نظر دن فعله ، بر نظر دن مصدره عائد . . . بر طاقیمی ( ی ، جی ، ی نیچی ، ی نیچی ، ن ، ان ) وسائر کبی کذالك بر جهتن فعله ، دیگر جهتن مشتق اسملره وصفقره عائد . . . بر طاقیمی ( دی ، مش ، ر ، ار ، یر ، ور ، دجک ، اجق ، ه ، مهلی ، مالی ، سه ، سین ، سون ) و ( وب ، یوب ، هلی ، یهلی ، یالی ، نیجه ، نیجه ، دجه ، دجه ، دکده ، دقده ، دیکمی ، دینی ) وسائر کبی صرف فعل تشکیله خادم . البته بونلردهده بر چوق ایش وار .

قهوه ) ، ( طاغده باغ ) ، ( اتدن قلمه ) ، ( باشند قارا ) کبی . بونلردهده دورلو دورلو حاللر وار . . . بر طاقیمی ( مک ، مق ، مکک ، مقلق ، مه ، ماه ، ش ، یش ، م ، ل ، ن ، ش ، ت ، در ، درت ، درتدر ) کبی مصدر نوعندن کله لره یارداقلق ایدر . ( کورمک ) ، ( باقق ) ، ( کورمکک ) ، ( باققلق ) ، ( کورمه ) ، ( باقا ) ، ( کوروش ) ، ( باقیش ) ، ( کوروم ) ، ( باقیم ) ، ( کورومک ) ، ( کورومکک ) ، ( کوروشمک ) ، ( باقیشمق ) ، ( باقیمق ) ، ( باقدیرمق ) وسائر کبی . بونلرده دورلو دورلو . . . بر طاقیمی ( ی ، جی ، وحی ، ی نیچی ، ونیچی ، ن ، ان ، ی ک ، وک ، ک ، ی ق ، وق ، اق ، کن ، قان ، غان ، اغان ، کین ، کون ، قین ، غین ، چ ) کبی مشتق کله لردن یکی کله لر چیمه اسنه واسطه اولور . ( کوریمی ) ، ( کوروجی ) ، ( کورویچی ) ، ( کورن ) ، ( باقان ) ، ( کسبک ) ، ( دوشوک ) ، ( اورکک ) ، ( قیریق ) ، ( بوزوق ) ، ( قورقاق ) ، ( دوکوشکن ) ، ( چالیشقان ) ، ( آلینغان ) ، ( قاچاغان ) ، ( کرکین ) ، ( دوشکون ) ، ( شاشقین ) ، ( طارغین ) ، ( کولج ) کبی . بونلرک ایچنده پک چوق شیلر ، آرالرنده پک چوق باشقه لقلر وار .

اسملری جمع حالنه کتیرن ( لر ) طاقیتیسده بونوع اداتلردندر . ( لر ) اداتی بونلرک آرالرندهده کیرر ، صوکلرینهده طاقیلیر . ( سودلر ) ، ( سودلکک ) ، ( بنم کتابلرم ) ، ( اوطلرک قایسی ) ، ( سودلی قهوه لر ) ، ( طاغ باشلری ) ، ( اونباشلیر ) ، ( طاغده باغلر ) وسائر کبی . بونوع اداتلر ، بربرینه تداخلده ایدر . ( سودسزلک ) ، ( سودلکسز ) ، ( سودلکسزک ) ، ( سودسزلکدن ) ، ( سودسزلکلرندن ) کبی . صوک مثالده ( سز - لک - لر - ی - دن ) صورتنده بش ادات بربرینه تداخل ایدوب یوکلنه شدر .

اخطاره حاجت یوقدرکه یایدیغمز ایش ، بونوعک شوپله اوستنه وخطاره کلنلری شوپله یویورمکدن عبارتدر . یوقسه بونلرک داها پک چوق امثالی ویک چوق ایجه فرقلری واردر .

اسم بختنده بر آز سوپلر دیکمز وجه ایله ، عربی وفارسی کله لردن بودورلو تشکیلات یاپیلدینی زمان تورکجه اداتلره بدل چوقلق فارسی اداتلره طوتونوب عربی قالبلره دوکولورلر . . . فارسیدن ( گاه ، ستان ، زار ، سار ، لاک ، کده ) کبی مکان وزمان کوسته رن ، ( ی ، ی ، مند ، یار ، ناک ، ور ، ین ) کبی نسبت کوسته رن ، ( ار ، کار ، کار ، کر ، بان ، وان ، وار ، ان ) کبی فاعلیت کوسته رن ، ( وار ، وش ، آسا ، مانند ، سان ) کبی تشبیه کوسته رن ، ( دان ) کبی آلت و ( چه ) کبی تصغیر کوسته رن اداتلری آلوب ( سحرگاه ) ، ( کذرگاه ) ، ( تابستان ) ، ( عربستان ) ، ( لاله زار ) ، ( سنکسار ) ، ( سنکلاخ ) ، ( میکده ) کبی ، ( بغدادی ) ، ( دردمند ) ، ( هوشیار ) وامثالی کبی ( خریدار ) ، ( کامکار ) ( باغبان ) وامثالی کبی ، ( دیوانه وار ) ، ( ماهوش ) ، ( جنت آسا ) وامثالی کبی ، ( ریکدان ) و ( تارنجچه ) کبی بیکلرجه سوسلی لغتلر ابداع ایدرلر . عربی کله لری ( مفعول ، مفعول ، مفعول ، فاعل ، مفعول ، فعال ، فاعیل ) کبی قالبلره دوکوب ( مکتب ) ، ( منزل ) ، ( مفتاح ) ، ( کاتب ) ، ( مکتوب ) ، ( غماز ) ،

دوردنچی درجده فعلك تصريفنه يارايان ادات ... بونلر اسمك استعمالنه يارايان اداتلره تقابل ايديور كي . . . سانكه فعل صيغهلري بونوع اداتلره استعمال يولنه كييريور. شوفرقله كه بونلرده اسملري ايشله تن اداتلردن فضله حكم واسناد قوتنده وار. بونلر فعل جوهریدن روح آلماسندن ايلري كليور .

فعل بختنده آشانغی یوقاری دورت بش شکل ایچنده بولدیغمز ( ضمیر فعلی ) لر ایشته بونوع اداتلردن عبارتدر . واقعا ضمیرلره ( ادات ) دینک عادت دکلسهده ، بونلرک قیرینتی شکلنده قالان بونوعنه او نظرله باقق یا کلیش برشی دکلددر .

اوجندن طوتوب چکدجکه چوراب کی سوکوان ادات بختنده بوراده کتوب آرتیق مقصدی اجاله باشلابورز .

بقیه سی کله جک هفته

## مباحثات

### طشره لرده خطبه و خطیبلر

بروقدنبری محترم صراط مستقیم غزته سنک ستونلرینی رونقدار ایدن خطبه لر مسئله سی اکثر یرلرده اصلاحنه برسبب حسنه اولدیغی موثوقاً خبر آلیورز . فقط بو اصلاح ، مسائل شرعییه وقوفی اولان بعض خطیب افندیبلر طرفندن اجرا اولندیغی سویله نیور . طشره لرده ایسه خطیبلر و کرک خطبه لر او قدر چیغرنندن چیمش که بو مبعجل وظیفه برطاقم نا اهللر یدلزینه کچمش ، اویله غلط عبارلر ، دورلو دورلو تغنی وصدالرا یله قرائت اولنسان خطبه لری استماع ایتدجکه انسان دوچار تأسف اولیور! بووظیفه مقدسه نك ایفاسنه مأمورایدیلان کیمسه لرده بر قابلیت وجدانیه اولسهده سامعینک تنفرینی جلب ایتسه لر... بو جهت ایسه کلیاً مفقود . اولجه بووظیفه مبعجله یی ایفا ایدنلر سنه لرحه تحصیل کورمش ، کنیدیسی صنف بلاغنده بر ملکه کسب ایتمش ، سویلیدیکی سوزده بر تأثیر حصوله کتیره جک طلاقته مالک کیمسه لر ایفا ایدرلر مش . عجبا اخلاقی بو مسلک علوی یی اخیراً بر طاقم احداث اولنسان بدعتلردن محافظه ایده بیلدیلمی ؟ هیات ! بو وظیفه مقدسه اویله کیمسه لر الله قالدی که اولکی روحانیتنه ، اوحالات و شعاعاته بردنبره بر کسوف عارض اولدی . اونک تزیین و تنویر ایدوبده بتون اخلاق سیئه لری حال صلاحه ارجاع ایدن او خطبه لر شمدی اویله براده یه کلدیکه هان لفظ دعادن عبارت قالدی . حالات سالفه سندن هیچ بر اثر حس ایدلیور ، ضیاء حقیقت بدعتلر ایچنده بوغولوب کیدیور . بو بدعتلر شمس حقیقتدن فیوضات السیه نك قلوب مؤمنینه لمعانه مانع اولیورلر . او مبارک وظیفه سوء استعمال اولنیور . خطبیک سوزی جماعت اوزرنده اجرای تأثیر ایتنیور . حالات اصلیه سندن هیچ برشی حس ایدلیور . بو قدر تأنییه سبب ندر ؟ خطیبلر می ، خطبه لر می ؟ قباحت هانکی جهته اولدیغی انسان ادراکدن عاجز قالیور . زمان سعادتده خطبه لر او هفته

ایچنده جریان ایدن شئون و احوالک بر معکس حقیقیسندن عبارت ایدی . بو حال بروفته قدر محافظه ایدیه بیلدی . اهل اسلامک ترقیات فکریه و مادیه سنی تأمین ایچون خطیبلری اویاییق ذواتدن تعین ایتیلر . وظیفه خطباتی ایفا ایدن ذاتک ترقیات فکریه سی جماعت اوزرنده فوق العاده آنارینی کوستیرر . مملکتک امنیت استقبالیده بوکا مربوطدر . جماعتی نه کی شیلردن تحذیر ، نه کی شیلره تشویق ایتک لازم کله جکنی تقدیر ایتک قولای بر مسئله دکلددر .

خطیب اولان ذات مملکتک روحنه و احوال عالمه واقف اولملی در . سیاست عالمدن ، احتیاجات اجتماعیه مزدن بی خبر بولنسان بر آدم امتی نه صورتله مستفید و صلاحه دعوت ایده بیلیر ؟ انتباه اسلامه اک مؤثر بر صورتله خدمت ایتسه سی لازم کلن بومساکک تنسیقی عاجل ولازمدر . اصل شایان تأسف اولان جهتی حقیقت احوالک یقین وقته قدر مجهول قالماسیدر . زمانمز خطیبلرینک ایچنده اوصاف مذکوره ایله متصف اولانلر یک نادر . بریسنه او وظیفه نك اهلی اولدیغی سویله مش اولسه ک « برات عالیشانمی تحقیر ایدیورسک ! » دپه فریاده باشلابور . خاطر ، التماس بلیه سی بو جهتی ده بوزدی . اکثر خطیبلرک ناطقه لری یک محدود . حالبوکه افهام مرامدن عاجز اولان بر کیمسه وظیفه خطباتی فصل ایفا ایده بیلیر ؟ چونکه سوز قدر مؤثر ، سوز قدر حسابات قلبیه یی مصور بر ترجمان یوقدر . مادامکه خطبه وعظ ونصیحتدر ، اویله ایسه زمانه تابعدر . احوال عمومییه مخصوص و منتظم خطبه لر ایراد اولنملی . بوده سوز واسطه سیله اوله بیلیر . سوزی ده جماعتک عرفانه کوره سویله ملی . سوء تأثیر وقوعه کتیره جک نصایح مملکتک خرابیتنه و امت اسلامک اخلاقلرینک بوزولسنه سبب اولیور .

ادرمیدلی بالچی زاده

حافظ محمد طاهر

فلسفه حیاتیه دن :

۸

### تنسل بنفسه فرضیه سی

تنسل بنفسه دنیلان معروف نظریه فرضیه مادیونک بر متممندن بشقه برشی دکلددر . بو فرضیه کیویوک برمشکل ، بر معما اولان موجودات ذوی الحیاتک منشی مسئله سنی حل ایتک مقصدیله بر لزوم قطعی اوزرینه تولد ایتمش بر متمم لازمدر . بوراده تنسل بنفسه نظریه سنک اساسنی ومباحثات تنقیدیهدن حصوله کلن نتایجی بر قاج سوز ایله تشریح ایده جکیز . بو نظریه یه کوره موجودات ذوی الحیات بذاته ماده غیر عضویه دن اشتقاق ایلشدر . یعنی غیرعضویاتک ماده سنک مالک اولدیغی قوتدن بشقه هیچ برشیک مداخله سی اولقسزین ( حیات ) ظهور ایلشدر . فقط ماده حیاتیادارک صنعی اوله رق ترکیب ایدیه مامسی و ( پاستور ) ک هیچ بر ذی حیاتک ، حتی کسفل ذرات خرده بینیه نك